

Գիտ. խորհրդի նախագահ

Ս. Ա. Առաքելյան

**Կ Ա Ն Ո Ն Ա Գ Ր ՈՒ Թ Յ ՈՒ Ն**

**ԵՐԵՎԱՆԻ ՊԵՏԱԿԱՆ ՀԱՍՏԱԼՍԱՐԱՆԻ ԻԶԵՎԱՆԻ ՍԱՄՆԱԾՅՈՒՐԻ «ԳԻՏԱԿԱՆ  
ՀՈԴՎԱԾՆԵՐԻ ԺՈՂՈՎԱԾՈՒՄ» ՀԱՆԴԵՍԻ ԽՄԲԱԳՐՈՒԹՅԱՆ**

**1. Ընդհանուր դրույթներ**

1.1. ԵՊՀ Իջևանի մասնաճյուղի «Գիտական հոդվածների ժողովածու» հանդեսի խմբագրության /այսուհետև Խմբագրություն/ հիմնադիրն է ԵՊՀ Իջևանի մասնաճյուղի ՊՈԱԿ /այսուհետև Հիմնադիր/:

1.2. Խմբագրության հասցեն է՝

ք. Իջևան, Ուսանողական 3, հեռ. 4-00-50; 3-65-97

1.3. Խմբագրությունը իրավաբանական անձ չէ և գործում է Հիմնադիրի կողմից հաստատված կանոնադրության հիման վրա:

1.4. Հանդեսը հրատարակվում է պարբերաբար հայերեն, իսկ առանձին նյութերով օտար լեզուներով /ռուսերեն, անգլերեն, ֆրանսերեն/:

1.5. Հանդեսը կարող է ունենալ նաև նույնանուն և նույն ծավալի հավելվածներ:

**2. Կազմակերպական կառուցվածքը**

2.1. Հիմնադրի, գլխավոր խմբագրի, խմբագրության խորհրդի դրամական, գույքային և տնտեսական հարաբերությունները կարգավորվում են նրանց միջև կնքված պայմանագրերով, որոնք չպետք է հակասեն ՀՀ գործող օրենսդրությանը:

2.2. Խմբագրության աշխատանքները ղեկավարում է Հիմնադիրի կողմից նշանակված գլխավոր խմբագիրը, որը իրականացնում է Հիմնադիրի ծրագրերը՝ մասնագիտական ինքնուրույնության հիման վրա:

2.3. Գլխավոր խմբագիրը իրականացնում է Հանդեսի ընդհանուր ղեկավարությունը և կազմակերպում է ընթացիկ աշխատանքները: Նա պատասխանատու է աշխատանքի արդյունքի, կանոնադրական պահանջների կատարման համար:

2. 4. Գլխավոր խմբագիրը իրավունք ունի՝

ա/ հանդեսգալ խմբագրության անունից կառավարման և դատական մարմիններում,

բ/ հողվածագրի համաձայնության խմբագրել նրա կողմից ներկայացված նյութերն ու տեղեկությունները,

գ/ հրավիրել խմբագրության խորհուրդ և նախագահել խորհուրդների նիստերում,

ե/ կայացնել որոշումներ խմբագրության գործունեության ընթացիկ հարցերի վերաբերյալ,

զ/ խմբագրության անունից վարել բանակցություններ և ստորագրել հանդեսի խմբագրական խորհուրդի կողմից ընդունված փաստաթղթերը:

## 2.5. *Գլխավոր խմբագիրը պարտավոր է՝*

ա/ հսկողություն իրականացնել խմբագրության արդյունավետ գործունեության նկատմամբ,

բ/ պատասխանատվություն կրել խմբագրության նյութերի հավաստիության «Մամուլի և զանգվածային լրատվության մյուս միջոցների մասին» ՀՀ օրենքի 6-րդ հոդվածով նախատեսված պահանջների կատարման համար,

գ/ չհրապարակել պետական գաղտնի տեղեկություններ, պատերազմ, բռնություն, ազգային և կրոնական թշնամանք կրող, ինչպես նաև կեղծ և չստորագրված նյութեր,

դ/ պահպանել «ՀՀ հեղինակային իրավունքի և հարակից իրավունքների մասին» ՀՀ գործող օրենսդրությամբ սահմանված պահանջները,

ե/ հոգ տանել մայրենի լեզվի անաղարտության համար

## 2. 6. *Հանդեսի յուրաքանչյուր համարը պետք է պարունակի հետևյալ տեղեկությունները.*

հրատարկության ավանուճը, հիմնադիրը, խմբագիրը, հրատարակիչը, տպաքանակը, տպարանի հասցեն

### 3. Հիմնական պարտականություններն ու խնդիրները

Որպես գիտական և ուսումնամեթոդական հանդես այն իր էջերում հրապարակելու է կյանքի և գիտության բոլոր բնագավառների իրավական կարգավորմանը, գործող օրենքների էությանը, նպատակներին ու խնդիրներին վերաբերվող նյութեր, գիտական հոդվածներ, ուսումնա-մեթոդական և գիտամանկավարժական հետազոտություններ:

### 4. Հիմնադրի իրավունքներն ու պարտականությունները

4.1. Հանդեսի գործունեությունը ապահովելու նպատակով հիմնադիրը խմբագրությանն ապահովում է աշխատապայմաններով, գույքով, թղթով, տեխնիկայով և այլ անհրաժեշտ միջոցներով:

4. 2. Հիմնադիրը կարող է դադարեցնել կամ լուծարել խմբագրության գործունեությունը սույն կանոնադրական պահանջները խախատելու դեպքում:

#### 4.3. Հիմնադիրը՝

- նշանակում և ազատում է հանդեսի գլխավոր խմբագրին և պատասխանատու քարտուղարին,
- կասեցնում և դադարեցնում է խմբագրության գործունեությունը,
- տնօրինում է խմբագրության ֆինանսական միջոցներն ու գույքը,
- իրականացնում է խորհրդատվական գործունեություն:

#### 5. Խմբագրության ֆինանսական միջոցների գոյացման և օգտագործման կարգը

##### 5.1. Խմբագրության ֆինանսական միջոցները գոյանում են՝

- հիմնադրի կողմից կատարած մասնահանումներից,
- ֆիզիկական և իրավաբանական անձանց կողմից տրված նվիրատվություններից,
- ՀՀ օրենսդրությանն չարգելված այլ աղբյուրներից:

5.2. Խմբագրության ֆինանսական միջոցները և գույքը համարվում է հիմնադրի սեփականություն և տնօրինվում է նրա կողմից:

5.3. Խմբագրության գույքի փչացման կամ կորստի դեպքում ֆինանսական պատասխանատվությունը կրում է այն անձիք, որոնց օգտագործմանը հանձնվել է այդ գույքը: